

S I Ð A R E G L U R

Kjörinna fulltrúa í sveitarstjórn, nefndum og ráðum á vegum Hvalfjarðarsveitar

1. gr.

Markmið.

Markmið þessara reglna er að skilgreina og leiðbeina kjörnum fulltrúum um það hátterni og viðmót sem ætlast er til að þeir sýni af sér við störf sín í þágu Hvalfjarðarsveitar. Siðareglurnar ná til allra kjörinna sveitarstjórnarfulltrúa og annarra sem sitja í nefndum, ráðum og starfshópum sem og varamanna þeirra (hér eftir nefndir einu nafni kjörnir fulltrúar).

2. gr.

Starfsskyldur kjörinna fulltrúa

Kjörnir fulltrúar skulu í störfum sínum fylgja lögum, reglum og samþykktum Hvalfjarðarsveitar, sem og sannfæringu sinni. Þeim ber að starfa í þágu íbúanna og ber því ávallt að setja almannahagsmuni ofar sérhagsmunum, hvort heldur er sínum eigin, annarra einstaklinga eða einstakra hópa.

Þeim ber að hafa í heiðri ítrустu kröfur um ráðvendni, heiðarleika og réttlæti í störfum sínum í þágu sveitarfélagsins.

Kjörnir fulltrúar hafa ávallt í heiðri grundvallarreglur góðrar stjórnsýslu í störfum sínum, þ.m.t. gagnsæja og upplýsta ákvarðanatöku, og framkvæma ekkert það sem er til þess fallið að vekja grunsemdir um að annað en lögmæt og málefnaleg sjónarmið ráði för við stjórn Hvalfjarðarsveitar.

3. gr.

Valdmörk.

Kjörnir fulltrúar gæta þess að fara ekki út fyrir umboð sitt í störfum sínum og virða verkaskiptingu í stjórnkerfi Hvalfjarðarsveitar.

Þeir sýna störfum og réttindum annarra kjörinna fulltrúa og starfsmanna Hvalfjarðarsveitar virðingu.

BSH

IMS

EÖG

DR

4. gr.

Hagsmunaárekstrar.

Kjörnir fulltrúar nýta sér ekki stöðu sína í þágu einkahagsmuna sinna eða annarra sem eru þeim tengdir, hvort sem ávinnungur af slíku kemur fram strax eða síðar, þ.m.t. eftir að störfum fyrir Hvalfjarðarsveit lýkur. Kjörnir fulltrúar skulu forðast hagsmunaárekstra í störfum sínum og vekja athygli á því ef þeir vita eða telja að um hagsmunaárekstra kunni að vera að ræða þegar.

5. gr.

Hæfi

Um hæfi þeirra við meðferð einstakra mála fer eftir 20. gr. sveitarstjórnarlaga nr. 138/2011. Við mat á hæfi skal horft til svokallaðrar öryggisreglu þ.e. að ákvörðun sé lögmæt og fullnægi formkröfum og leitast við að tryggja að almenningur og aðrir sem eiga hlut að máli hafi ekki ástæðu til að draga í efa að ákvörðun byggist á lögmætum og málefnalegum sjónarmiðum.

6. gr

Ábyrgð á fjármálum

Kjörnum fulltrúum ber að virða fjárhagsáætlun og grundvallarreglur um fjármálastjórnun til að tryggja réttmæta og ábyrga meðferð á almannafé. Við störf sín skulu kjörnir fulltrúar ekki aðhafast neitt sem getur falið í sér misnotkun á almannafé.

7. gr.

Gjafir og fríðindi.

Kjörnum fulltrúum er óheimilt að þiggja greiðslur, gjafir eða önnur hlunnindi frá viðskiptamönnum ef túlka má það sem endurgjald fyrir greiða.

8. gr.

Trúnaður

Kjörnum fulltrúum ber að virða trúnað um það sem þeir fá vitneskju um í starfi sínu og gæta ber trúnaðar um. Þagnarskyldan helst þótt látið sé af starfi. Kjörnum fulltrúum ber jafnframta að virða trúnað um ummæli einstakra fundarmanna á lokuðum fundum í nefndum og ráðum Hvalfjarðarsveitar, sem og um innihald skjala eða annarra gagna, sem þeir fá aðgang að vegna starfa sinna og trúnaður skal vera um, enda byggi hann á lögmætum og málefnalegum rökum.

9. gr.

Að virða hlutverk starfsmanna

Kjörnir fulltrúar skulu í störfum sínum virða hlutverk/valdsvið starfsfólks. Kjörnir fulltrúar mega ekki hlutast til um að starfsmenn geri neitt það sem hefur þann tilgang að verða kjörnum fulltrúum á beinan eða óbeinan hátt til hagsmunalegs ávinnings, né heldur aðila nátengdum þeim eða ákveðnum hópum eða fyrirtækjum.



10. gr.

Stöðuveitingar

Kjörnum fulltrúum ber að koma í veg fyrir að einstaklingum sé veitt starf eða stöðuhækkun hjá sveitarfélaginiu á öðrum forsendum en hæfni til að rækja starfið og gæta þess, þegar þeir koma sjálfir að ákvörðun um val á starfsmönnum, að hæfasti umsækjandinn hljóti starfið.

11. gr.

Miðlun siðareglina til kjörinna fulltrúa, starfsfólks og almennings

Kjörnir fulltrúar undirgangast þessar siðareglur með undirskrift sinni og lýsa því þar með yfir að þeir ætli að hafa þær að leiðarljósi. Siðareglurnar skulu vera aðgengilegar starfsfólkki sveitarfélagsins, almenningi á heimasíðu sveitarfélagsins og annan þann hátt sem sveitarstjórn ákveður til að þessir aðilar geti gert sér grein fyrir meginreglum þeirra.

Þannig samþykkt á fundi sveitarstjórnar Hvalfjarðarsveitar 24. ágúst 2022.

Andrea Ýr Arnarsdóttir
Inga María Sigurdardóttir
Elin Ósk Gunnarsdóttir
Helgi Þórður Óttesson
Birkir Snæðis Langsen
Ómar Óður Kristoffersson
Hdagr Þórhildardóttir.

